

2. Zadužuje se Federalno ministarstvo okoliša i turizma da izvijesti Vladu Federacije BiH o završnim aktivnostima na projektu "Okolinski prihvatljivo upravljanje postojećim organskim zagađujućim supstancama u industrijskom sektoru i sektoru opasnog otpada".
3. Ovaj zaključak stupa na snagu danom donošenja i biće objavljen u "Službenim novinama Federacije BiH".
V. broj 447/2023
30. marta 2023. godine
Sarajevo

Premijer
Fadil Novalić, s. r.

FEDERALNO MINISTARSTVO PRAVDE

560

Na temelju članka 24. Zakona o stečajnom postupku ("Službene novine Federacije BiH", br. 29/03 i 32/04), federalni ministar pravde utvrđuje

DOPUNU LISTE STEČAJNIH UPRAVITELJA SA ZAVRŠENOM STRUČNOM NAOBRABZBOM I POLOŽENIM STRUČNIM ISPITOM

I

Lista stečajnih upravitelja sa završenom stručnom naobrazbom i položenim stručnim ispitom broj: 01-65/02 od 08.05.2006. godine ("Službene novine Federacije BiH", br. 25/06, 39/06, 49/06, 81/06, 32/07, 14/09, 48/09, 75/09, 16/12, 61/13, 77/13, 97/13, 13/14, 83/14, 91/14, 107/14, 105/18, 7/19, 3/20, 21/20, 25/20, 46/20, 67/20, 103/21 i 14/22), dopunjava se stečajnim upraviteljima sa završenom stručnom naobrazbom i položenim stručnim ispitom, kako slijedi:

1. dipl. oec. KENAN IBRAHIMOVIĆ iz Brčko Distrikta BiH
2. dipl. oec. KENAN KOLAŠINAC iz Travnika
3. mag. oec. EMIR TIPURA iz Mostara
4. dipl. iur. MAHIR OMERHODŽIĆ iz Sarajeva
5. mag. iur. ANAID REDŽOVIĆ iz Sarajeva
6. dipl. oec. AHMED ALJUKIĆ iz Sarajeva
7. dipl. iur. JASMIN BEGAGIĆ iz Zenice
8. mag. oec. EMIR HODŽIĆ iz Sarajeva
9. dipl. oec. ESMIR KRNIĆ iz Sarajeva
10. dipl. iur. ALMIR ČORIĆ iz Mostara
11. dipl. iur. ALEM HODŽIĆ iz Srebrenika
12. mag. oec. EMINA DEDOVIĆ iz Sarajeva
13. dipl. iur. RAJAN HODŽIĆ iz Velike Kladuše

II

Lista iz točke I objavit će se u "Službenim novinama Federacije BiH".

Broj 01-65/02
24. ožujka/marta 2023. godine
Sarajevo

Ministar
Mato Jozić, s. r.

FEDERALNO MINISTARSTVO RAZVOJA, PODUZETNIŠTVA I OBRTA

561

Na temelju članka 39. stavak (3) i članka 85. stavak (1) točka g) Zakona o obrtu i srodnim djelatnostima u Federaciji Bosne i Hercegovine ("Službene novine Federacije BiH", broj 75/21), federalni ministar razvoja, poduzetništva i obrta, na prijedlog županijskih/kantonalnih ministarstava nadležnih za oblast obrtništva, donosi

PRAVILNIK O DJELATNOSTIMA KOJE SE MOGU OBAVLJATI KAO DOMAĆA RADINOST

Članak 1.

(Sadržaj)

Ovim Pravilnikom propisuju se djelatnosti koje se mogu obavljati kao domaća radinost u skladu sa Zakonom o obrtu i srodnim djelatnostima u Federaciji Bosne i Hercegovine (u daljnjem tekstu: Zakon) i uvjeti za njihovo obavljanje.

Članak 2.

(Popis djelatnosti)

- (1) Popis djelatnosti koje se mogu obavljati kao domaća radinost u skladu sa Zakonom o klasifikaciji djelatnosti u Federaciji Bosne i Hercegovine ("Službene novine Federacije BiH", broj 64/07 i 80/11), dat je u prilogu ovog Pravilnika i čini njegov sastavni dio.
- (2) Detaljan opis djelatnosti i poslova koji se mogu obavljati u okviru jedne djelatnosti definirane šifrom djelatnosti propisan je Strukturom KD BiH 2010 sa objašnjenjima ("Službeni glasnik BiH", broj 47/10).

Članak 3.

(Uvjeti za obavljanje)

- (1) Domaća radinost je djelatnost izrade i dorade predmeta kod kojih prevladava ručni rad i usluge u domaćinstvu.
- (2) Za obavljanje domaće radinosti neophodno je imati završenu najmanje osnovnu školu. Domaća radinost obavlja se u stambenim prostorijama i izvan poslovnih i stambenih prostorija, samostalno ili uz pomoć članova zajedničkog domaćinstva.
- (3) Ukoliko se djelatnost obavlja izvan poslovnih i stambenih prostorija, kao sjedište domaće radinosti utvrđuje se adresa prebivališta obrtnika.
- (4) Na uvjete za obavljanje, osnivanje, poslovanje i prestanak obavljanja domaće radinosti, na odgovarajući način se primjenjuju odredbe Poglavlja II Zakona.
- (5) Osim djelatnosti iz članka 2. ovog Pravilnika, domaćom radinošću se smatraju i druge djelatnosti kod kojih preovladava ručni rad i usluge u domaćinstvu.

Članak 4.

(Zamjena obrtnika)

- (1) U skladu sa člankom 23. Zakona član zajedničkog domaćinstva može mijenjati obrtnika u slučaju službenog odsustva, bolovanja ili godišnjeg odmora uz predočavanje validnog dokaza o razlozima odsustvovanja obrtnika (putni nalog, dokazi o bolovanju, rješenje o godišnjem odmoru). Zamjena obrtnika iz ovog članka se ne može primijeniti na obrtničke djelatnosti za koje je posebnim propisom, utvrđeno da se obavljaju uz prethodno ispunjenje predviđenih uvjeta, koji su isključivo vezani za obrtnika.
- (2) Zamjena obrtnika može trajati najduže 14 (četnaest) dana u tijeku jedne kalendarske godine, u skladu sa Poslovníkom o radu obrta ili srodne djelatnosti.

Članak 5.

(Stavljanje van snage Pravilnika)

Danom stupanja na snagu ovog Pravilnika prestaje da važi Pravilnik o djelatnostima koje se mogu obavljati kao domaća radinost ("Službene novine Federacije BiH", br. 61/09 i 12/12).